

Huez nobo ta yega Aruba y mesora tin di atende caso di Natalee

ORANJESTAD (AAN): Dentro di poco lo yega Aruba un persona pa traha como Huez.

Ta trata di mr. Pieter ter Berg, kende ta bay fungi como Huez na Corte Comun di Aruba y Antiyas.

Despues cu e toca tera firma

na Aruba e lo bay huramenta pa e asumi su responsabilidad como Huez.

Parce cu pa otro siman caba pa ser exacto dia 12 di Juli, lo presenta dilanti mesa berde e hoben deteni Joran Van der Sloot. Manera ta conoci e ta deteni relaciona cu e caso

Natalee kende a desaparece cu te awe no tin pista di e damita aki.

Mientras tanto recientemente Joran a presenta dilanti Huez Comisario na unda su detencion a worde prolonga cu 60 dia mas. Relaciona cu

su prolongacion el a dicidi pa medio di su abogado pa apela e decision di e Huez.

Diamars otro siman su caso lo worde trata den Corte na unda e lo tin di aparece dilanti e Huez nobo, esta mr. Pieter ter Berg. Tambe e mesun Huez mr. Pieter ter

Berg ta bay atende e caso di e rumannan Kalpoe cu a worde laga den libertad.

Pero Ministerio Publico a apela e decision di Huez y esaki tambe lo worde trata pa logra di detene detene e dos rumannan aki back.

Otro siman lo ta un otro dia pisa y masha interesante kico lo bay pasa, Joran ta sigui keda deteni of lo por logra su libertad. Y interesante tambe ta si e dos rumannan cu na e momentonan aki ta den libertad lo worde poni tras di trali atrobe.